

第三

卷六 考第四

山川考三

古蹟 陵墓

卷七 考第五

建置考一

城池 石櫃

卷八 考第六

建置考二

公署 會館

驛遞

常德府志

卷

目錄三册





山川考三



古蹟

武陵縣

義陵

劉禹錫武陵書懷詩序按天官書武陵當翼軫之分其在春秋戰國皆楚地後為秦惠王所并置黔中郡漢興更名武陵東徙於今治所常林義陵記云初項籍殺義帝於郴武陵人曰天下憐楚而興今吾王何罪乃見殺郡民編素哭於招屈亭高祖聞而義之故亦曰義陵今郡城東南亭舍其所也晉宋齊梁間皆分王子弟存於其書

常德府志

山川考古蹟

臨沅故城在縣西漢置縣隋改為武陵舊志

宋書州郡志武陵太守領縣二臨沅漢壽水經注縣南臨

沅水因以為名隋書地理志武陵并臨沅沅南漢壽三縣

置按統志沅水經平山即經臨沅縣然後歷枉渚臨沅故城當在今府城西或謂在府城東者非

沅南故城在縣西南七十里古城山後漢置隋并入武陵舊志

後漢書郡國志武陵郡沅南建武二十六年置水經注沅

南縣在沅水之陰因以沅南為名縣志故城馬援所築也

采菱城在府西五里龍志

若城縣東秦白起伐楚黔中楚遣其將張若築此城以拒



之統志

武陵記後漢梁松自義陵移秭於若城今州東有張若城是

按通志言今府城卽張若城遺址武陵記謂若城在州東或舊常治臨沅故城故以此爲東邪

司馬錯城縣西秦使錯伐楚黔中與張若相對各築一壘以扼五溪咽喉舊志

劉禹錫登司馬古城詩自註秦昭王命錯征五溪蠻築城在武陵沅江南賀奇曰府西無此城址獨府西南五里里有古城山又有古堤砌石爲址又金雞堤亦有城址疑古

常德府志

卷六

山川考古蹟

二

司馬錯城當在諸處前之爲志者並未深入江以南考核不詳考宋陶弼詩云當年洞裏栽桃者便是斯時築版人諸古城去桃源洞皆約二十里或亦按跡揣摩而爲此語未可知也

金雞堤府西南四十里石砌宛然相傳爲鼎城故址舊志

索縣故城一名漢壽城俗名崆嶺城縣東北六十里

漢書秭國志武陵秭索注應劭曰順帝更名漢壽宋書州志武陵太守領縣漢壽吳曰吳壽晉武帝復舊水經注

漢壽縣治索城卽索縣之故城也方輿紀要漢壽城府

東本漢之索縣武陵秭治焉後漢陽嘉三年更名漢壽荆



刺史治此三國吳改曰吳壽晉復舊仍屬武陵郡宋齊因之隋省入武陵縣今爲漢壽鄉

按統志崆嶲城府東北六十里爲古索縣治即漢壽故城也今爲居民田業而遺址猶有可考者故其鄉仍名漢壽賀奇曰漢壽之城在崆嶲而所轄則龍陽亦有地該焉故漢壽名鄉者武陵龍陽皆有之矣

南城在善德山上宋宣撫使韓宣以常德城守不固復築城於此以爲犄角今名望城坡統志

社木寨在武陵縣東三里

荆州記武陵郡中麋木光武所手植酉陽雜俎武陵郡北

### 常德府志

#### 卷六

山川考古蹟

三

有鹿木二株馬伏波所種木多節按麋鹿二字疑有誤當是一物記者訛也

善卷壇縣東十里即枉山孤峯頂舊志

方輿勝覽善德山有善卷壇善卷先生所遊處也舊志善

卷先生避世於此隋刺史樊子蓋以名其壇爲善德觀唐

咸通間太守薛廷望重葺宋淳熙五年巽巖作記鐫碑後

失所在紹興間李燾復建祠奉木主以祀後經兵燹繼流

因塑真武像以鎮水口惟壇獨存李燾善卷先生祠記

蒙赤奮若重陽日提刑兼府事建高蹈先生祠於善德山而爲記曰日出而作日入而息逍遙於天地

心意自得吾何以天下爲也此非莊周哉善卷言乎武陵有善卷壇辰谿有善卷壇此善卷



志載善卷遊戲之所乎在隋則刺史樊子蓋慕善卷之德改此山為善德山名壇宇曰善德觀在我朝大中祥符五年則詔加先生之封祀之政和則賜號遁世高蹈先生淳熙五年則異巖作善卷壇記今壇宇雖不存而碑碣尚無恙也亦有無名氏之詩曰山擁翠屏千疊秀澗拖輕練一條深堯時高士烟霞洞依舊丹爐鎖桂林劉禹錫詩曰先生見堯心相與去九有斯民既已治我得安林藪道為自然福名是無疆壽瑤壇在此山識者常迴首故踐先生之遺跡頌先生之高風貪者廉懦者激蓋自勛華以迄於今日矣故先生之跡未嘗不昭揚而先生之祠宇乃有時乎廢與豈有數以存乎其間邪雖然非數也蓋先生之道不可一日泯也善乎董仲舒之言乎堯舜德彰而身尊善卷德積而名顯善在是則堯舜之道在是堯舜之道在是則善卷之道亦在是人知善卷之善乃卷所得之道而非卷所得之姓斯可與登先生之堂証先生之道矣

浮圖在孤峯頂之東

舊志 按龍志宋楊

扼五溪遙路入京城萬國朝石櫃雄吞排水勢浮圖高聳接雲霄今浮圖廢萬歷三十五年知府張定徵奉督學董

常德府志

卷六

山川考古蹟

四

其昌巡道劉之龍議命罷人治中夏尚金給事王佐擇一峯如臺於罷城為巽位鳩工纍石建浮圖基以鎖水口而妖言沮之後楊時芳 國朝乾隆十一年罷守董思恭知卒建塔並八方樓

縣翁運標重建並建書院今塔前有董公書院遺址尚存

沈約臺府西南五里沅水之南上有福光寺其側有邱古樟

一株垂蔭數畝相傳為沈約讀書臺

劉禹錫武陵書懷詩沈約臺榭故李衡墟落存名勝志沈

公臺碑在城西福光寺竹林中今猶存古碑題額六字云

重遊沈公臺記碑字漫滅記謂沈約為沅南令

屬郢州蔡興宗為郢州刺史引約為安西外兵

鬼磨石在枉山東半里 舊志



采菱澗在府西五里白馬湖產菱甚美楚平王嘗采之築城於湖畔又有采菱亭唐劉禹錫采菱行詩曰白馬湖平秋日光紫菱如錦彩鴛鴦是也通志

三閭港 見山川

崇孝港府北六十里

舊志相傳古孝子傅羅卜居此故名今街為崇孝街街東二里許地名傅子岡為孝子葬母處石塋猶存土人呼為傅母墓武陵志稿孝子家巨富好善喜捨上自羅卜港下至慶壽寺表延九十餘里皆有田庄木瓜脫塵五灶淨居崇福慶壽法洪諸寺悉其所捨黃花障會仙橋其所修花

常德府志

卷六

山川考古蹟

五

園基址至今宛然

玉帶河府治西北一里

舊志水自府學西北火星池流至縣學右出城外宋端平間太守龔穎篆秀水斗門四字海蟾翁曰此武陵一條玉帶他年必應後待制張頡為張惇平辰蠻畫策充東南發運使昇以玉帶果驗其言四朝聞見錄高宗以常德為孝城內本名永泰渠端拱初或以水由坤入於府城最利且避陵名更名秀水守臣龔穎篆以表之熙寧元年有異人號海蟾翁劉易者寓天慶觀謂所善魏道士曰此水郡之玉帶當有佩者應之未幾孝宗啟社又流虹繞電之地晉曰秀州亦秀水之讖按說與舊志小異而加詳

白鶴池在府治內 見叢談



譙樓在府署頭門知府胡向華重建今圯

胡向華鐘銘曰常德昔建譙樓不知廢於何年首善之地  
籌傳無聞是缺典也今乘建南薰樓夫匠因利就便竭  
綿力仍卽本基以建造之採鐵購炭鳩工募匠製遵岐伯  
按四時法九州鑠金爲鐘金人告子曰模範旣具鑪冶以  
就僮工可施聿觀厥成

龍池在府治前

武陵記宋謝承爲守時有黃龍見滄東水中承拜表稱賀  
因以名按今龍池巷庵內繪有龍像其遺跡也

火星池府學後昔傳有火星墜其中都御史吳廷舉命官疏

常德府志

卷六

山川考古蹟

六

府學頰池之水從後入池過明月橋土地祠下通玉帶河  
纏繞縣學往年疏通無滯故縣學人文鼎盛後漸壅淤舊志  
按池係邑人公地爲府學水道周圍約五畝付火神廟任  
持僧管理今多爲居民侵占若不及時修濬蹟且湮矣

三雅洞在府西通志

武陵記昔有人鑿池得三銅器其下有銘曰伯雅仲雅季  
雅蓋漢末劉表製三雅酒器伯雅容七升仲雅容六升季  
雅容五升名其洞曰三雅

玉笋池府學東相傳宋人掘地得三玉笋因名舊志  
條疑

陵記之言  
而小異

明月池府城天慶觀前俗稱放生池舊志



學書池府東北九十里晉高士伍朝別塾堂下朝少好學命  
臨池學書水爲之黑舊志

清白泉在府堂西北國朝乾隆三十九年罷守葉馨重甃  
延清泉廳臨之作記鑄石曰舊井有泉何以重修爲在堂  
右溜水入焉日久苦鹹人且咎井井實無咎也乃加淘汰  
爰祀井神

江信泉城西濠涵碧亭東舊傳脈通朗水每江水消長井之  
淺深應之故名味亦甘冽

孝女泉見山川

萊公泉在武陵縣北六十里

常德府志

卷六

山川考古蹟

七

皇朝類苑鼎州甘泉寺介官驛之側始寇萊公南遷日題  
諸東楹曰平仲酌泉經此回望北闕黯然而去未幾丁晉  
公又過之題諸西楹曰謂之酌泉禮佛而去人皆嗤之後  
范諷詩云平仲酌泉回北望謂之禮佛向南行烟嵐翠鎖  
門前路轉使高僧厭寵榮宋淳熙中張南軒特書榜曰萊  
公泉王得臣塵史引鼎州記武陵縣北六十里有甘泉寺  
行人多謁焉寇萊公往雷州凡題三十字曰庚申年秋九  
月平仲南行至甘泉院僧以詩板示予征途不暇吟咏代  
記年月後丁晉公謫朱崖過寺題五言詩一首因而至寺  
者多所賦咏殿中丞范諷詩見前又刑部郎中崔繹詩云



二相南行至道初記名留咏在精廬甘泉不洗天涯恨留  
與行人鑿覆車可謂言婉而意遠矣按山堂肆考載萊公泉在衡州府北甘泉寺碧溪詩話言在禮陽道旁甘泉寺二說與皇朝類苑在府北者事同而地異竊以類苑朱人書必有據也

丹砂井府北一百步泉赤如絳

抱朴子曰余祖鴻臚為臨沅令云此縣有民家世壽考後徙去子孫多天他人居其故宅亦累世壽乃疑是宅井水殊赤試掘其井左右得古人所埋丹砂數十百斛去井數尺皆丹砂汁因泉漸流入井是以飲其水而壽武陵廖氏譜廖平以丹砂二千斛置所居井中飲是水以祈延齡統志海蟾翁煉丹處有仙人黃泰嘗以丹砂置井中病者取

常德府志

卷六

山川考古蹟

八

水服之輒愈因於井旁立耆壽坊後入為府第按海蟾翁人抱朴子晉人當以前說為近且井失其處疑今坊內有胭脂泉者或其遺蹟然府北百步及入為府第之說猶病其舛也

絲瓜井天慶觀後之左縣學秀水斗門前相傳井中有蟾夜吐白氣一道直冲雲漢問人不知其異獨劉海望而知之取其蟾仙去俗語劉海戲蟾即此舊志劉海當是海蟾翁之誤

異泉井在戟門東滌牲池西明成化八年秋同知李泰承祀事泉忽湧出人以為異因鑿井構亭覆之今亭圯而井猶存其味甘冽可飲舊志

崔婆仙井縣西二十里平山下龍志即卓刀泉後在崔婆廟今廢



青蓮社在德山佛廬左郡人詩社龍膺嘗攜酒飲袁中郎於此唱和為多今地溜壑集

都尉城在府西方輿紀要

括地志梁置武州於武陵又別置都尉領六縣

春申君府第在府南今開元寺址統志

方輿勝覽春申坊即春申君故宅

齊武陵王府在府城今失其處舊志

王融謝弓啟曰殿下摘藻蕙樓暢藝蘭苑敷績玉於風筵疊連珠於月窟免園掩秀鄴水慙竒融掛讓未工濫升飲之賞操弧反矢奉招賢之錫文韜鏤景逸幹稍雲玩溢百

常德府志

卷六

山川考古蹟

九

齡佩流千載按舊志蕙樓蘭苑皆其別業

梁武陵王府在府城今失其處舊志

劉孝儀謝賜第表曰竊以南望朱鳥北距蒼龍右帶御溝左迴青路異晏嬰之湫隘同潘岳之閒居臣幼自宮掖長遊城府雖輪奐之美多門而館第之私未暇今輕舟將返高門遽錫遂葺家築室百堵皆興雲屋連薨一朝宏敞

五代周行逢西府在武陵縣內相傳即今府治統志

三楚新錄行逢以武陵為西府

宋普安郡王府即常德軍節度使第後為總兵署舊志

明榮王府府治西北一里明宏治十一年命內官監工工部



志宋時張虛白舉進士不第辟穀遊武陵嘗館於酒姥  
崔氏家索酒不責償經年無厭後詢姥所欲姥以江遠不  
便汲爲辭張遂指舍傍隙地爲井掘得泉甘冽過於酒人  
爭市之後虛白仙去魏人余安遇虛白於揚州遺姥詩曰  
武陵溪上崔婆酒天上應無地下有南來道士飲一斗醉  
卧白雲深洞口今井尙存而泉非昔矣

齊武陵王府在府城今失其處

舊志

王融謝弓啟曰殿下摘藻蕙樓暢藝蘭苑敷績玉於風筵  
疊連珠於月窟免園掩秀鄴水慙奇融揖讓未工濫升飲  
之賞操弧反矢奉招賢之錫文韜鏤景逸幹稍雲玩溢百

### 常德府志

#### 卷六

山川考古蹟

齡佩流千載

按舊志蕙樓蘭苑皆其別業

梁武陵王府在府城今失其處

舊志

劉孝儀謝賜第表曰竊以南望朱鳥北距蒼龍右帶御溝  
左迴青路異晏嬰之湫隘同潘岳之閒居臣幼自宮掖長  
遊城府雖輪奐之美多門而館第之私未暇今輕舟將返  
高門遽錫遂葺家築室百堵皆興雲屋連薨一朝宏敞

五代周行逢西府在武陵縣內相傳卽今府治

統志

〔三〕楚新錄行逢以武陵爲西府

宋普安魏王府卽常德軍節度使第後爲總兵署

舊志

明榮王府府治西北一里明宏治十一年命內官監工工部



主事陳珂董造明孝宗四年封憲宗第十二子祐樞於此  
歷傳五世龍濟曰榮府在常德府西北宏治十一年欽命工部郎中陳珂建國卽總鎮舊闕而營坏之正德四年復命郎中張謙再加修飾又節因宮殿災差郎中林通等行撫按官重修門曰承運曰端禮左曰體仁右曰遵義後曰廣智殿曰承運曰存心曰圓官曰內宗廟在宮之左社稷山川風雲雷雨等壇並列如制在內供奉世子府體仁門內其王官以司名者曰長史府西明月橋畔曰承奉遵義門內曰儀衛府東以所名者曰審理曰紀善俱府東曰典儀典寶俱府前曰典膳府東曰良醫曰奉祀曰羣牧俱府西曰工正府東庫曰廣益倉曰廣益俱府內按今火藥局舊傳爲明時榮府內殿今局內現有陞石及石磔諸遺蹟

### 武陵草堂

舊志按草堂不知建始何人唐楊浚有五言古詩一首考楊浚在開元時官校書郎詩意蓋爲當時隱居者作見文

### 常德府志

#### 卷六

山川考古蹟

十

徵

教子堂在縣治內宋唐介作尉時建以教子者韓琦作記蔡襄爲書統志

世寶堂郡人太常卿楊禔建多藏古冊墨跡以遺子孫

九芝堂在大西門內明天啟辛酉歲武陵龍氏祠堂產芝九本龍氏自宏治甲子九科內科第不絕遂顏其堂曰九芝龍君御谿園六記序云西第九芝堂花石奇秀華榭曲榭亦稱君子之居

晚蓋堂府東北六十里在鷹湖上羅時昇建

通志

文堂在府學東賀奇建



永思堂在今縣堂內知縣楊鵬翔建題吟成卷

清陵館縣治南漢李陵為臨沅令邑人思之立清陵館

通志

東壁館在縣治東二十餘步明天啟間知縣鄭毓祥為課士

建舊志 我在

水星樓府城內東湖旁為鎮火災建今移神鼎門東城上前

鎮江流 舊志 嘉慶十六年縣守將領知府應先烈籌款重

建較舊加壯闊

南薰樓明洪武七年陳歸亭祀常德衛指揮孫德修復城池

乃於石櫃建樓以備其後監察御史黃義書南薰樓頌天

樂十五年知府應履平重葺入齒玲瓏雨烟晴翠為登眺

常德府志

卷六

山川考古蹟

佳景 舊志

勅書樓在府治西春官學士陳春宇建

康樂樓武陵楊氏所築蘇轍子由題有句云使君欲蓋溪山

好不作層樓無奈何 總志

鼎文閣在府學前即南薰樓 舊志 建 舊志

調元閣在臨沅門樓下明崇禎三年知府鄭時舉去府前

鼓樓學石為基建此扁曰調元樓 舊志

寓賢閣府城西南上石櫃二聖寺之左明王守仁謫龍場驛

時過武陵與郡人蔣信冀元亨講學於此 統志

潮音閣即寓賢閣在二聖寺左



朝江閣府東堤防考畧

慈容閣府南六十里遐齡山上土人唐姓祠其母劉氏者舊志

雙鶴軒在故縣堂東知縣應能建舊志

敬一亭在文廟東內藏四箴碑並御製碑文舊志

觀瀾朝宗二亭在頰門左右今圯舊志

咏歸亭在府學前石櫃上元延祐六年達魯花赤哈喇築高

二丈餘建此亭今廢舊志

楚望亭在枉山陬後移建善卷壇西

臨睨亭仰止亭俱善卷壇上後圯魏人楊時芳於楚望亭基

上建八方樓題咏成帙明季燬於兵燹宋袁中儒楚望臨睨仰止三亭記曰

德府志

卷六

山川考古蹟

十一

善卷亭在孤峯頂善德觀前嘉慶四年邑人重建  
按善德觀今為佛廬並祀真武而善卷祠祀轉隱今亭以祀善卷即舊楚望亭故址重建也  
子胥亭在漢壽城傳子胥伐楚時建或曰漢人修城時建舊志  
按劉禹錫漢壽城春望詩曰江上荆州刺史治亭下有子胥廟楚王古墳舊志或謂子胥所掘平王之墓或謂

善卷亭在孤峯頂善德觀前嘉慶四年邑人重建

按善德觀今為佛廬並祀真武而善卷祠祀轉隱今亭

以祀善卷即舊楚望亭故址重建也

子胥亭在漢壽城傳子胥伐楚時建或曰漢人修城時建舊志

按劉禹錫漢壽城春望詩曰江上荆州刺史治亭下有

子胥廟楚王古墳舊志或謂子胥所掘平王之墓或謂



楚昭王墓恐屬傅會

招屈亭在城南 舊志

方輿勝覽招屈亭在城南相傳三閭大夫以五月五日由

黔中投汨羅士人以舟救之為何由得渡河之歌 武陵競渡

陵門外舊有招屈亭劉禹錫詩昔日居鄰招屈亭競渡曲

云曲中人散空愁暮招屈亭前水東注是競渡始於武陵

斯隋志競會亭上之驗其地本名屈原巷近有小港名三

閭河蓋原生平所遊集也又曰龍船歌每唱四聲前聲畢

餘邪野二音後聲畢餘阿阿二音而已抵暮散船則必唱

曰有也回無也回莫待江邊冷風吹其來甚遠按隋書地

里志屈原以五月望日赴汨羅土人追至洞庭不見湖大

船小莫得濟者乃歌曰何由得渡湖因而鼓棹爭歸競會

亭上又曰龍船歌邪野阿阿餘音惟武陵為然諸處不爾

一云其音為些些本招魂楚些之遺弔屈意也按宋玉招

魂帝告巫陽有人在下我欲輔之魂魄離散汝筮予之蓋

原歿後語今划船用巫實始於此又曰船中兩旗方幅各

常德府志

卷六

山川考古蹟

三

凡五十一以有為之楚辭乘日風今載雲旗又曰乘船船余  
上沅兮齊吳榜而擊汰船容與而不進兮淹回水而凝滯  
此原生平遭遇掩抑迤邐後人寫之疾鼓  
輕橈轟霆捲雪庶一洗其離憂之氣耳

乾坤清氣亭陳潛齋建

雙松亭府北八十里文殊山上應天禪寺之後宋翰林學士

黃庭堅有詩 統志

思樂亭在善德山上明宏治十一年郎中陳珂建 舊志

心遠亭府西門外南察院後 舊志

樂止亭來月亭俱缺考 舊志

靜芳亭缺考 舊志 按明統志陳洪謨以老乞休歸樂亭

高吾山中所著有靜芳亭集四庫書目提要亦云  
芳之亭當在今河汭平鹿二山間



惠王王府富城王府俱府東門內貴溪王府府清平門內

龍志正德以來封郡王者五皆榮莊王出福寧永春不嗣

伍朝宅在府治東統志

宋柳拱辰宅在縣西三里卽今所謂青陵也統志

湖上書屋在府北七十里明陳大忠建曾孫思虞復修廣園

清池饒花石之勝今圯武陵舊事參

三閭巷東門外濱江有屈原廟隔廟一街西通大河北抵東

門大街名三閭巷巷口有亭曰招屈亭舊志

開元寺在府前

唐郭湜高力士傳高力士流巫州以寶應元年終於朗州

### 常德府志

#### 卷六

山川考古蹟

古

開元寺

樂合園齊樂藹爲武陵合治園植桃李去後百姓思之不忍

翦伐因名樂合園舊志楚寶按藹本傳未嘗爲武陵合

守雅善藹爲政而後人因而訛傳之歟

桃園在府治西元都觀內舊傳唐時有道士植桃滿觀劉

禹錫爲朗州司馬賦元都觀看花詩故名舊志日禹錫集云

和十一年自朗州名至京戲贈看花諸君子及西遊元  
觀詩序余貞元二十一年爲屯田員外郎時此觀不  
是歲去牧連州尋疑朗州司馬居十年名至京  
言有道士植桃滿觀如紅霞遂有前篇以志一時之  
云則元都觀自在長安而  
武陵元都觀爲傳會也

隱園府東十里在柳葉湖邊太常龍脣建舊志



太常記初治瀝園掘地得古劍如瓜背誌  
秋福祿予築閣以居而藏厥鑑因取千秋命閣

帶經園陳長鎮築 增 正簡園陳惠鈞築 增

歸老橋宋柳拱辰掛冠於此一名拱辰橋府城西三里

陵村白馬湖上會鞏為記

涵碧亭在小西門外 增

### 桃源縣

沅南故城 一見武陵 按城基址在 今得陽坪宋延平間建

采菱城縣東北二十五里楚平王築 一見武陵方輿記要采菱城在桃源 武陵記

其湖產菱殼薄肉厚味特甘 香楚平王嘗采之有采菱亭

### 常德府志

#### 卷六

山川考古蹟

七

黃土故城在縣北十五里

按城高丈餘厚二倍之壘土成墉尚存十之七焉去黃土舖塘九里許

楚山縣東二里舊志每當春花木先發至曉雞亦先鳴所謂

楚山春曉者 縣志稿

潮音洞在聖水泉半山之上游人以巨石 中礫礫然躍

激成聲初小而漸大聽之如潮然洞岸 南少可通人跡

西北壁立千仞上鑄潮音洞三字 增

伏波洞馬援避暑處羆人於文徵以石 為閣門額源陽仙

隱洞中有於文徵遺像 太常記



洞神池在桃源縣東三里 統志

漁鼎池 煉丹臺 摩頂松 心杉俱附見山川

甕城在漁仙洞鐵壁如圍四 異花龍膺更名曰小金剛

輪圍山而築蓋香半閣於其上 漁仙雜著

石墨在水心岩下纍纍沙礫間取之可以作書 桃源索隱

文石在萊蘿下溪多紅黃白色其紋如指上螺又豆青山有

淚石白而圓潤其上多紅點 燕竹堂記

米井縣北九十里

明闕士琦米井記畧距靈巖數里溪旁有米井井中石子隨水感沸粟粟如米

常德府志

卷六

山川考古蹟

六

爛船洲 桃花溪 遇仙橋 俱附見山川

月潭在友山潭水有光雨夜更甚潭底纍纍小白石取視如

月越宿光失擲潭水如故 桃源拾遺

潼汭渡縣南五里至晚時有渡者即之不見呼潼汭晚渡 桃源

縣志

桃川宮舊名桃花觀縣西南三十五里

玉海淳化元年朗州官奉詔修桃源觀五百仙人閣成名

望仙閣劉禹錫桃源詩皇家感至道聖祚自天錫金闕傳

本支玉函留寶歷禁山開秘宇復戶潔靈宅自注詔隸二

十戶免徭以奉灑掃桃源洞志洞天營葺唐以前無聞自



黃洞源瞿柏廷相繼控鶴於茲刺史溫造紀其事於桃川  
宮宇之建當自大歷貞元間碑碣所載桃源觀桃源新壇  
俱頽漫不可考宋政和元年權發遣廣南西路轉運副使  
張莊奏聞始建景命萬年殿及福壽二星經鐘樓閣齋寮  
厨庫廊廡方丈凡一千三百三十楹明年賜名桃川萬壽  
宮額設提點掌之以便祝釐淳祐元年增創武當行宮於  
宮之陰矩度畧與太和比元末燬於兵明景泰六年中丞  
李收集制書立殿宇數楹成化十八年罷守李募修三清  
龍虎殿法堂官廳宏治十四年建山門正德十三年復建  
行宮題曰元岳遵太和始額也萬歷初觀察劉陶宇十八  
年分守湖北道李廷謨三十二年分巡湖北道劉之龍皆  
先後參建大觀斯備三十七年分巡湖北道郭顯忠改建  
大士堂於山巔明末俱遭兵燹國朝漸次修補遠遜舊  
跡

常德府志

卷六

山川考古蹟

七

漳江閣在縣東

縣志在下石櫃  
為縣治下關

舊志濱江石磯上相傳江底有月漁人夜棹時嘗見之八  
景漳江夜月卽此按縣志閣久廢雍正二年復興乾隆十  
八年坤十九年重建旋圯嘉慶三年鼎建閣三層

石梁閣在馬石溪

龍膺建

太常記

川上亭縣前石櫃上元延祐間建後廢明萬歷七年知縣鄭



天佐重修

舊志見學校

詳考

雪濤閣縣南二十里江盈科建

增

野春亭在桃源縣城內

清異錄武陵儒生苗彤事園池以接賓客有野春亭者雜

植山花五色錯列

仙逕亭縣南三十五里秦人洞側相傳為神仙遊憩之所道

人呂岳有詩

舊志

墨舞堂縣南二里印司奇建

增

潯陽古寺縣東三里許其寺久毀每烟雨薄暮猶聞鐘聲

縣志

岸觚齋在縣西三十里關十琦築

增

蟠桃巷在縣治西宋大中祥符間邑人開地見玉龕祥光照

耀得大果九枚識者引漢武內傳及博物志以為蟠桃核

### 常德府志

#### 卷六

山川考古蹟

六

統志 最古園在縣治西羅人琮建

#### 龍陽縣

龍陽故城在今龍陽縣西

統志

宋史地理志常德府龍陽紹興五年移治於黃城岩

統志 後復還故治

#### 神鼎山

朗州圖經龍陽有神鼎山按神鼎山今不詳所在舊志言

黃帝鑄鼎於鼎口即今看竈山疑傳會史記鑄鼎荆山張

樂洞庭之語諸圖經方記皆指其地以實之又不得龍陽

也以其從來遠錄之



滄港鼎港

張旭墨池在縣西淨照寺內相傳唐張長史曾學書於此池

水盡黑 舊志

圖志宋紹定間欽山劉子澄持檄所部過龍陽香積寺

照訪墨池遺跡見池亭俱廢留私錢屬征官重闢而亭之

南城鄧均錢塘戴宗紹立石紀其事舊志明萬歷丙申知

縣喻政卽寺西南隅爲亭前稍潞池水以存遺跡甲辰分

巡使者劉之龍捐俸重建額曰雲烟深處登其亭者東望

洞庭西望陽山金牛峙於前沅水逕其下仙跡宛然爲一

邑奇觀 國朝嘉慶辛酉署縣福順重建亭砌池罷守孫

常德府志

卷六

山川考古蹟

九

鑒爲之記兼額顛草之遺四字

浮圖在縣東南

縣志稿明嘉靖間訓導歐陽迤於今奎樓前

三十八年邑士復請建一峰疑皆此處三十九年邑紳曾

壽貴議修於高坡未果 國朝乾隆十三年貢生高居元

等倡修黃茅嶺未成尋廢 國朝乾隆四十七年署知縣傅廣聰紳士

童翰盛等議建南禪寺地周士倣首相倡修在學廟吳方

南漪草堂縣南門外吳伯肇建 六瀾堂王爲垣建 增

西以草堂濱洞庭魏又成建瞿龍躍題詞 增

勅書樓在縣南明正統間按察副使曹必彰孫本初尙義受

勅建閣貯之 舊志 滄水驛樓在縣西十五里滄浪水上 統志



湘山野錄平林漠漠烟如織寒山一帶傷心碧暝色入高樓有人樓上愁玉梯空竚立宿雁飛歸急何處是歸程長亭連短亭止此人不知何人寫在鼎州澹水驛樓復不知何人所撰魏道輔泰見而愛之後至長沙得古集於子宣內翰乃知李白所作

八方閣儒學左明天啟關史贊舜建縣志

鎮龍閣詳寺觀

敬一亭在儒學東知縣黃豫建舊志

申明亭旌善亭縣志門外

清斯亭在縣西十五里澹浪水止統志

常德府志 卷六 山川考古蹟 三

來鶴亭在淨照寺國朝康熙間僧照智建松竹成林雍正

間知縣譚岑復修縣志

涵虛亭國朝康熙二十年守備戴朝幹建縣志

野趣亭鷓月亭邑人陳一揆建有墨浪池落虹橋遺址猶存

聲槐亭邑人彭鳴霄讀書處國朝康熙七年建在儒學東

有古槐垂蔭數畝瞿龍躍有記縣志

龍津書館故址縣南梅溪宋紹定間周範建遺址猶存舊志

袁申儒記畧曰是地也羣山四挹而左右顧望賓從拱揖

滄浪水橫其前演迤如帶澄潔如鑑上下交映遠水環接

俗子巧夫以智力求得而不能者今不謀而得陰陽家以



爲地之勝也

三國李衡宅在縣西北汎洲卽李衡種橘處一名橘洲

湖廣通志

吳志註李衡字叔平爲丹陽太守每欲治家妻輒不聽後密遣客十人於武陵龍陽汎洲上作宅種甘橘千株臨死時勅兒曰汝母惡吾治家故窮如是然吾州里有千頭木奴不責汝衣食歲上千匹絹亦可足用耳衡亡後二十餘日兒以白母母曰此當是種甘橘也汝家失十戶客來七八年必汝父遣爲宅汝父恒稱太史公言江陵千樹橘當封君家吾答曰且人患無德義不患不富若貴而能貧方好耳用此何爲吳末衡甘橘成歲得絹數千疋家道殷實

常德府志

卷六

山川考古蹟

三

晉咸康中其宅上枯樹猶在

日涉園縣南邑人史與祿建今廢縣志

東園東關外邑人袁鯨建今廢縣志

也園張雲鵬建號缺酒民縣志

連理木在縣東大溪口見山川

汎洲古柏在縣西北義興寺

猶存  
通志華州回道入過此題詩二句於古柏上今枯枿踰抱

壽溪楓祀連理木王爲垣有詩

沅江縣



古羅國應劭曰楚文王徙羅子自枝江居此通志拾遺羅子宜城徙枝江自枝江再徙湘陰汨羅以水得名羅以

國得名也

寰宇記春秋古羅納地漢置羅縣屬長沙國范致明風土記唐武德四年蕭銑置巴陵郡華容沅江及汨羅湘陰五縣六年改為岳州南唐隸朗州武平軍節度又曰其後以沅江隔湖割隸鼎州

按長沙府志劉宋湘陰故城在縣北五十里實今沅江縣之東境古羅國地也宋書州郡志湘東太守領縣湘陰元徽二年分益陽羅湘西及巴峽流民置唐屬岳州梁屬潭州宋初屬鼎州而沅江縣境之地又時復隨之

### 常德府志

#### 卷六

山川考古蹟

三

以為分析者也

劉公城縣西三里縣志

統志漢昭烈嘗畧武陵長沙零陵桂陽四郡因築此城元置齊湖巡司於此明初廢

重華縣城在縣東北縣志

通典沅江縣梁置重華縣隋廢有重華城亦謂之虞舜古城元和志沅江縣本漢益陽縣地梁元帝分置重華縣

藥山故城在縣西縣志

隋書地理志巴陵郡沅江梁置曰藥山仍為郡平陳郡廢改縣曰安樂十八年改曰沅江舊志今藥山鄉是也



于母城縣東南八十里城址猶存縣志

按此城疑卽舊縣治初屬岳州爲附近相傳宋楊太屯兵於此

孩兒城縣東北九十里志稿

叢本城在縣東坪塘嶺志稿

七仙洞在景星寺後舊有石井夜聞笙竽簫管之聲清澈四

山唐王融詩參差吹鳳笙卽指此也又有石鐘有小孔擊

之有聲嘉靖三十年爲榮府取去御史吳琛有詩今逸

千秋峽縣南八里相傳關公磨刀處縣志

車子岐縣東四十里古鐘一口相傳能興雲霧縣志

### 常德府志

#### 卷六

山川考古蹟

三

赤沙湖在縣東南三十里湖岸土赤望若丹砂歷碌浮漾碧

波中通志

石湖縣南翟雲漢有石湖秋月詩通志

浮圖在縣千秋峽

縣志葉學廟坐乾向巽而千秋峽地勢爽塏乾隆十八年邑士陳本廉等募建於其

上嘉慶二年竣工名凌雲塔

釣洲縣北寒潭縣南縣志

述異記洞庭湖中有釣洲昔范蠡扁舟至此釣於洲上有

一陂陂中有范蠡魚又曰洞庭湖陂有范蠡石床石峴

按舊志謂嚴子陵釣於寒潭又稱汴洲漁釣不知何據

王爲壤詩曰五湖有伴曾名蠡一釣無魚合姓嚴蓋本

此也



故關洲縣東南六十里

詳關志

卧龍墨池在縣西烏龍寺內相傳漢諸葛亮嘗滌硯於此

舊志

宋楊光發卧龍寺萬福殿碑文沅江之西有山曰雲從有

寺曰卧龍乃孔明舊遊之地後人思其德以寺名也厥寺

之陰有水一泓復以洗墨名焉且以為孔明煎墨之地

李光照曰沅江黃荆坑西北岸有卧龍寺古蹟蜿蜒三嶺

基後古樹數十株前有池可半畝淺淤蒙茸春夏稍瀦水

相傳墨池即其地也時至殘甃不時隱現

池中魚躍以竹罩捕之無所獲得長石一方角稜稜然銚

之出則碑也摩其文稱武侯曾洗墨於此鐫篆之年則寶

### 常德府志

#### 卷六

山川考古蹟

十四

慶九年乃立碑於嶺上時乾隆乙丑歲至甲申乃建廟覆

之邑令王額曰古蹟重新

明月池在縣東二十里水清澈陰晦時池中有月娟娟可人

通志

赤江渡縣東半里昔有異人喚渡於此其舟自濟

舊志

子民堂宋唐介建久廢知縣顧智重修製匾仍用原名乾隆

六十年知縣傅景錚重修縣扁於二堂

李氏沅江堂在縣南二十里龍洞宋王安石有詩其址無考

縣志

望江樓即公館門樓明知縣馮綱建



宜春樓縣東城內唐李羣玉有詩見文徵按詩題作登宜臺

慶雲樓在縣署 國朝康熙二十五年知縣顧智重修

桐林閣在縣西至晚其鐘自鳴聲聞數里舊志

鎮龍閣在縣東小江口明天啟元年知縣蔣士倫建知府李

時啟有記崇禎二年重修

楚貢亭縣東南二里新街上縣志

**通志**宋大中祥符中封祀泰山遣使沅江采三脊茅老人

王皓能辨其茅一莖三脊芬芳殊甚其茅遂成額貢故立

此亭後燬元人王儒真有記

招屈亭縣東麥舍窖唐崔禮山有詩

常德府志 卷六 山川考古蹟 三五

對鷗亭縣西南下瓊湖隄上明嘉靖二十四年知縣張澤建

今廢縣志

戒石亭在儀門內明萬歷中知縣安其善改爲坊額公生明

旌善亭申明亭俱知縣霍梓創建龍志

宜春臺縣東門外今廢縣志

更鼓臺在彭湖垵每風雨晦明時聞更鼓之聲縣志

棲雲軒在縣西元顧阿瑛有詩縣志 詩 見文徵

管谷奇宅在縣東

縣志寺山洲在萬子湖中上有古寺基夏秋無蚊納明

十管谷奇舊宅在焉



西門在縣東北二十里水中有石門漁人入水往往見

景星寺唐李羣玉有登宜臺詩注云醉宿景星寺

園墓

武陵縣

善卷先生墓在善卷村

湖廣通志德山志同按明統志墓在大酉山又辰志云宋祥符中有人竊發其墓須臾雷雨交作人莫敢犯湖南通志善卷墓在辰溪縣西九峯嶺並錄俟考

楚春申君墓在府治前統志

方輿勝覽黃歇黔中人戰國時為楚相封春申君開元寺

址其宅墓在焉按墓在今府署東轅門外舊有殘碑武陵

常德府志

卷六

三

志稿 國朝乾隆壬辰知府葉馨嘗修砌之上建鼓亭三

十九年知府呂又祥立碣前建小祠

呂又祥記畧曰甲午季春余守是邦聞府第頭門外左側

鼓亭下有春申君墓予踵視之踐踏污穢僅有墳堆碑座

而碑記無存矣凡屬墳墓猶禁侵凌春申君為千古聞人

不可聽其踐污不為修復考府志載府前大街由下南門

出河街俱名珠履坊即春申君館客處又稱府北開元寺

乃春申君舊宅今入為府第廣輿記春申君墓在開元寺

今府第係開元寺改建為春申君舊宅則此墓雖

志有足據或謂史記春申君於考烈王十五年請



因城吳墟卽今蘇州似其墓亦宜在吳然此邦密邇鄆郡能禁楚人之不葬於楚地邪於是擬爲修墓建祠史役咸白前任某修其墓而厲鬼爲祟予曰嘻是何言歟春申君有靈豈有因人修其墓而反以爲厲乎卽有之或修墓者中存玉魚之欲故有以示之耳越孟冬朔十日折去鼓亭高砌其墓緣以垣牆前建祠宇其墓前豎以小碣曰楚春申君黃歇之墓

嘉慶三年知府胡文銓重修春申君墓

按先是墓前微塌胡守因啟墓修之乃隧葬懸棺其和方廣約五尺栗色斑駁似朽非朽衆皆見之疑爲槨也

常德府志

卷六

山川考古蹟

三

四周皆陶甃每甃長二尺餘寬尺餘厚亦徑尺砌甚堅固墓門闢以大石修復樹碣

古層塚縣北十五里舊志

朗州圖經在縣西亡其姓名故老相傳云昔有開者見銀人數十枚張目視俄聞塚中擊鼓大叫竟不敢進後看塚上環合如初

晉襲元之墓在武陵縣南舊志在府城南

水經注縣南有晉徵士漢壽詩朱本作人襲元之墓銘晉太元

中軍武子立族姓彙晉處士襲元之史作襲誤

宋管白雲先生墓府北七十里絳紫山麓 國朝乾隆初年



府呂肅高樹碣嘉慶八年邑人周室任復修墓砌圍牆  
三年其子邁倫呈請知縣許紹宗建祠墓左

宋理學朱沛國墓府北趙塘陂邑人丁學顯立碑舊志

按沛國非名非號乃朱氏族望之通稱其爵里不詳前  
人表墓未知何據

傅羅卜母墓縣北八十里江陂湖上墓上有石蓋志稿

明

榮莊王佑樞墓府北六十里大龍驛興國寺有嗣榮王載瑾

立碑四武陵志稿

榮妃劉氏墓莊王墓旁全上

常德府志

卷六

山川考古蹟

天

福寧懷僖王厚熹墓城東十里德山乾明寺前有磚城德山

志傳為金剛再來故沒葬山左德山志

榮王妃墓在德山萬歷五年葬龍志

榮懷穆王墓府北三十五里陽山下白鹿寺明榮莊王子榮

王載瑾之父有嘉靖萬歷時御祭追諡碑下二里為鹿苑

志稿

懷妃馬氏墓懷王墓旁全上

榮恭王載瑾墓城北五十里銅鼓村之金鳳山有碑二

榮恭王妃徐氏墓恭王墓旁有碑

惠安王府墓縣北七十里文殊寺



四府陵府西四十里金罡寺亦榮藩墓有豐碑久仆  
石板寺府北三十里有榮府墓

王墓總縣北七十里俱有前代王府墓俱全

榮藩義官墓府北七里橋東里許罷人陳洪謨蔣信作墓碑  
馮參政墓府東羅卜港乾隆初有居民犁田出墓誌知府耿

典宗為立石表之志稿

墓誌故亞中大夫交陞布政司左參政馮諱貴字孟敬常

德府武陵縣長樂村人考馮秀燭字友直母方氏本官癸  
丑年正月十六日辰時生由縣學生員禮記中乙卯科舉  
人洪武三十三年中進士授兵科給事中永樂四年陞授

常德府志

卷六

山川考古蹟

七

交陞布政司參議歷九載陞交陞左參政於永樂二十一  
年四月初四日申時在於寧化州車來縣箇帶陣亡本  
年十二月二十七日葬於本縣伏宿村蘿葛港土地娶妻  
陳氏生子四長曰經早世娶余氏次綸娶余氏繼娶辛氏  
綸女一人叔真許適常德衛指揮段凱弟數孫二愈忠孫  
女一婆孫

知府耿典宗清復馮忠烈碑畧曰公以永樂四年由兵科  
給事中出補交陞布政司參議歷九載遷左參政公多方  
畧善撫綏捍禦邊陲屢著奇勳土官黎利之變力戰而死  
是時黃忠宣公總司政歸公概葬於武陵之伏宿村蘿葛



港洪熙故元勅贈交趾左布政使表棹楔以旌其門此罷  
志家乘可考者大何滄桑遞更荒邱寂寂松楸無存其子  
孫竟無能誌其墟墓近者蘿蔔港田夫犁得墓誌一合於  
土中洗而讀之其字不甚剝蝕蓋卽公之忠靈有不可磨  
滅者而其地顧已爲黃姓所有甚且倚地盜葬因之爭理  
於有司今歲夏五余奉

命守常覈其牘仰公忠烈爰偕署武篆文登陶君易視焉知  
志之所在卽墓之所在乃以墓歸焉新之以地歸黃仍之  
明其界劃並令兩家今後俱毋得附葬其內以安忠魂勒  
石表之并識其事於碑陰

常德府志

卷六

山川考古蹟

三

馮郎中墓府北七里橋有商輅撰馮郎中墓表

地

提學蔣信墓府南八十里金霞山東北吉水鄒元標題碑

舉人冀元亨墓府西五里落路口

大常卿姚學閔墓桃源歇馬橋營盤嶺

雲南布政司楊墓西門外

太僕卿楊褫墓縣北三十里東山之麓

新都留守於墓西門外

御史唐鍊墓在陽山西麓

舉人唐相墓縣北五十里馬籠橋

戶部員外郎龍德孳墓府西鹿田坪



少傅楊鶴墓縣西三十里于田坪增

楊農正墓桃源義溪

太傅楊嗣昌墓初葬龍陽兕子哨改葬桃源金厰溪

監軍楊山松墓龍陽赤山

戶部侍郎唐紹堯墓縣南九十里彭家坊

翰林唐訪墓縣北灣牛陂

唐誠墓縣南茶盤坵

唐誼墓縣南白竹岡

太常卿龍膺墓桃源龍家溪俱全

國朝

常德府志

卷六

山川考古蹟

三

大學士胡統虞墓縣北三十里陽山歐家冲增

行取主事陳養元子翰林長鎮墓縣西三十里硯瓦灘

吏部尚書楊超曾墓府西四十里禾麻麓有謚冊碑

提督裴鉞墓府北陽山

副將唐光茂墓在花山

古節婦墓府西門外孫起鵬有花猫堤古節婦墓誌

周金剛墓 原南墓在德山俱覆以鐵塔俱全

義塚

漏澤園在北關外南宋遺事 始宋仁宗

明范人儼漏澤園記事畧曰礎守陳公之菴茲土也慈雲



慧日覆照人天一切含靈如春在育于安阜之餘用修累  
齒掩骼之政不忍殘骸敗骨委之塵沙棘莽間擇北邙一  
片地俾有所歸而藏之適越之胡君仲安氏以採買之役  
客我溪上溪在城之南爲沅水春夏之交二三日雨則洪  
波注涌蛟龍怒作山谷震蕩罹其厄者率登鬼錄浮波臥  
渚飽魚鱉饜鳥鳶者比比然矣胡君不勝悲憫爲之舟以  
拯之地以墳之且嘆曰匹夫有心雖可偶行其一二然目  
之所及者事焉所不及者已焉曷若大爲之區處不必吾  
所遇而皆有以取辦且可以久永無乏然不請於上則無  
以感動大衆而貲不廣於是爲說以請恰與我公祖之意

常德府志

卷六

山川考古蹟

三

合忻爲之序且大捐清俸屬以置塚置田俾胡君募之甫  
半載而塚與田事皆就歛諸所施以償其值餘則爲庵朝  
經暮懺用豁沉滯之魂焉仍歲收其田所出者以繼其所  
需

義塚四區一在清平門外龍坑畔居人取土拋骸知府鍾昌  
痛惡引律勒碑禁之今宜申戒一在北門外柳堤畔義民  
於天叙施地立有碑一在東門外回回岡畔一在七里橋  
畔用彰法寺廢址爲之分巡道林掖章於路口立有碑龍志  
千人塚府北七十里淨土菴貢生陳國寶瘞

國朝乾隆三十八年興復漏澤園在東關涂家堤名體仁堂



志稱邑人唐廷元等捐募收瘞浮屍設總所於關廟  
府潘本義知縣張繼辛各捐俸有差五十年首事陳  
同向廷燦等因總所在城不便移建涂家堤共堂廳耳房  
十四間添置紗帽湖義地三處善卷村一處提督喻金  
題額

張繼辛序畧曰武陵九江淮浹余蒞茲土三年數罹水患  
今夏尤甚時路經白沙見沿岸流屍合保甲收瘞方擬爲  
調度會士民以體仁會事來告拯生撈死施棺購地猗歟  
善舉實獲我心顧事體艱鉅始終杜弊防僞可行久之  
故正非一端及閱會規一摺井井有條心益嘉許爲詳請

常德府志

卷六

山川考古蹟

三

優獎唐廷元等復請爲序

武陵龔大萬題額曰仁之端也朱景英題聯曰此地居然成彼

岸請君真不愧仁人

乾隆六十年苗匪不靖永靖上流溺斃浮屍順下無數知府  
陳三辰捐銀一百五十二兩命首事置長樂村紗帽湖  
一石一斗五升作義塚撰有碑記知武陵縣鮑振飛捐銀  
二百五十兩嘉慶三年首事等請將體仁堂歸並育嬰  
經理至今如舊

各行店商民共捐銀一千三百八十兩進溪村田一  
增姓捐五石七斗梅姓捐二石七斗七升

萬金崗義塚一處



積塚在北門外萬金岡邑人張文泰築始乾隆四十七年  
僱人收瘞暴骨

白骨塋一在東門外廻龍閣邑人汪姓築一在城外東北  
堤一在北門外榮王寺一在小西門外萬緣寺體仁堂首  
事築

桃源縣

姊妹塚邑城西三里有古塚二上各植凍青一隔尺許腹橫  
一幹合抱糾結如牽手相傳二處子誓不嫁人愛同夫婦  
強之許適遂相抱而卒因葬此不知何時人也桃源拾遺

山

常德府志

卷六

山川考古蹟

三

知縣田鐸墓縣東北獅子巖

知縣文澍墓縣東高吾山

知府李顯墓縣東琉璃堰

布政使李徵墓縣西黃土陂

戶部主事鍾萬鎰墓武陵金霞山

知州鍾萬殊墓縣東沽家塔

提學江盈科墓初葬縣西康家山後阡小蘓溪

副使王衮墓縣北歐家塔

進士王士譽墓縣北歐家塔

翰林闕士琦墓縣西鐵林岡



兵部侍郎印司寄墓縣南三莊坪

呂貞女墓縣東松雲巢

國朝

訓導文鵠墓縣東馬鞍山

府尹文志鯨墓縣東木塘鄆家冲

行人羅其鼎墓縣南綠溪

御史羅人琮墓縣南綠溪

總兵萬岱墓武陵陽山雷公洞

都司萬崑墓武陵陽山雷公洞

游擊李世松墓縣南鷓鴣埠

常德府志

卷六

山川考古蹟

三

提督羅江麟墓縣南綠蘿山

羅紹墓縣南綠蘿坪

守備郭愈恩墓龍陽關山清流湖

參將郭勳墓縣西沙羅村

參將萬巍墓縣南洪瑞坪

義塚六區一在縣治東關外一在南關外一在西關外一在

陬市一在鄭家驛一在新店驛

縣北莫林村新開塔二處貢生胡銘收瘞東七里楓香灣一

處邑人余世柱置

白骨塔縣東關外舉人羅松築



龍陽縣

宋

徵士周德元墓縣南梅溪

明

縣尉青文勝墓縣西二十里楊家冲

太常卿史贊舜墓縣西陡門湖

贈布政司史與謙墓縣西陡門湖

都御史袁鯨墓縣南山冲

員外曾壽貴墓縣南毓德舖

隱士楊華墓縣學左

常德府志

卷六

山川考古蹟

三五

主簿廖英知縣廖榮墓俱縣北五龍寺旁

副史胥必彰墓縣東

舊志

知府周鳳墓縣西汎洲

知州彭恭墓縣西汎洲

評事薛俊墓縣南小塘坪

方伯李清墓縣東建有石坊

封郎中李思文墓縣南長崙舖

知府丁應賓墓縣南長崙舖

知縣劉守謙墓縣南毓德舖白馬廟旁

國朝



御史彭之鳳墓

副貢王為壤墓

教諭楊瑞墓

義塚在縣南

沅江縣

明

藩王墓在赤山明月灣

龜山二塚在蔣保約高二丈週百餘步相傳明藩王墓

同知別仰月墓在白駝舖碑記存

義塚縣南知縣霍梓捐俸買地築牆有碑龍志

常德府志

卷六

山川考古蹟

三六

國朝

翰林編修吳俊升墓在賽保獅山

義塚五區一在零壇旁一在景星寺右一在雞公坡一在王

家灣陳雍南置一在黃泥窖郭安宇置

白骨塔在關廟後乾隆中知縣曾昌齡建後圯以其地改為

社稷壇

各會館義塚

福建義塚郡城五處一在東關賀八巷北大岡嶺一在碑記

泮路口一在官家岔一在西關桑樹園一在西關石板橋

建義堂一所在進溪村有用十坵又會館田四處共六



八斗五升

出陝義塚一處在西關外莫公礮客民建公善堂前至大街後抵干佛寺會館忠義宮在城內水星樓前抵城後至大街任持僧月朗置善卷杉楊柳墻田一十二石

蘓州義塚一處在德山茅灣建公祠額曰金庭義莊乾隆五十二年蘓州客民罷嘉慶元年復置水龍救河街一帶火災雜用歲需百金

涇縣義塚一處在府西關長生橋建樂義堂貧者送醫送死具有成規旁有園曰琴園饒花石之勝嘉慶五年涇縣客民置

常德府志

卷六

山川考古蹟

三

江西義塚共八處賀八巷後地一區田一石一升康家巷後地一區長樂村麥家園地一區屋一進德山蜈蚣山地一區祠屋一所廟山嘴地一區蓮花池地共三區田三坵俱乾隆乙亥歲後江西客總先後續置大庾楊崇岱有江西義塚並祠屋記宗岱工詩古由進士合蜀中掌教開江書院卒於開江葬德山

江西義塚龍陽西關一處沅江蔣保一處

湘陰義塚沅江一處在山巷口

蘓州義塚沅江一處在先農壇南

長郡義塚



在府小西門外驛馬店側係置李姓地房屋六間續置  
姓王姓地前至街後至溝左抵謙宅右抵熊宅內各有古  
塚爲界

常德參幕許尙忠墓在龍陽六溪

常德府志

卷六

建置考古蹟

三十六

卷六終